

नामांक

Roll No.

--	--	--	--	--	--	--

No. of Questions — 14

No. of Printed Pages — 7

**SS—26–Raj. Sah. (Supp.)**

**उच्च माध्यमिक पूरक परीक्षा, 2013**  
**SENIOR SECONDARY SUPPLEMENTARY**  
**EXAMINATION, 2013**

**राजस्थानी साहित्य**  
**( RAJASTHANI SAHITYA )**

समय : 3  $\frac{1}{4}$  घण्टे

पूर्णांक : 80

**परीक्षार्थियों सारू सामान्य निर्देश :**

- (1) परीक्षार्थी सबसूं पैली आपरै प्रस्न पत्र माथै नामांक जरूर लिखे ।
- (2) सगला सवाल करना जरूरी है ।
- (3) हरेक सवाल रौ पडूत्तर उत्तर पुस्तिका में ईज लिखणो है ।
- (4) जिण सवाल रा अेक सूं अधिक भाग है तो वां सगळा रा उत्तर अेक साथै लगातार लिखौ ।
- (5) लेखन मांय सुद्धता अर वैज्ञानिक विवेचन करियां ज्यादा अंक दिरीजैला ।
- (6) वर्तनी, व्याकरण अर सुलेख रौ विसेस ध्यान राखौ अर ओपतौ पडूत्तर देवौ ।
- (7) उत्तर राजस्थानी भासा में ईज देवणा है ।
- (8) पूर्णांक अर प्रस्नांक ठावी ढौड़ अंकित है ।

1. नीचै लिख्यां गद्यावतरणां री सप्रसंग व्याख्या करावो —

(क) मिनख री जिंनगाणी में कई घड़ी पळ इसा आवै जका उणनै ऊँचो उठा देवै अर केई घड़ी पल इसा आवै जिका उणनै पींदै बैठा देवै । आज भूरी रा आंसू अर उणरै मन रौ दुःख रामजस नै नयो प्रकास दियो । बो हड़बड़ा'र उठयो । आख्यां फाड-अर हाथ पसार-अर बोल्यो — भूरी । उठ, बींटो बांध अर टाबरां नै त्यार कर । इण गुलामी नै आज सूं ही नमस्कार है ।

#### अथवा

ऊमर सूं तो बा इसी डोकरी नीं हुई पण रोग, भूख अर अणगिण चिंतावां बीनै बैरहमी सूं कूट-कूट बींरा जीवणपान झड़का वींनै अकाळ में ई ढख'र कर दी । धांसी आवै अर लोही शरीर में खासौ भलौ सूकग्यो । चामड़ी चुस'र पींजरै रै चिपगी । लूखो-पाको साम्हो आवै जिसौ पेट में नाखै, नई तो अल्ला-अल्ला खैर सल्ला, बैठी माँख्यां उडावै अर मौत नै उडीकै ।

4

(ख) म्हारां बाबूजी पैला ई करजा में कळीज रह्यां है नै हमे फेर अँ उणां नै पूरा ई डुबावणी चावै सो अँ काम सगा-गिनायतां रा नहीं । अँ तौ दुस्मणां ज'ड़ा काम है इण रै वास्तै म्है जीवती माखी नहीं गिटूला अर म्हनै चाहै जिता दुःख देखणा पड़ै ।

#### अथवा

कथणी खांड सी मीठी हुवै तो हिवडै में इमरत घुळै, मनां रां मेळा हुवै । इण खांड में खरच कोई नी फेर भी मिनख सूम क्रिपणता करै । कागी कुण सूं लेवै अर कोयल कुण नै देवै, मीठा वचन सुणाय कै मनडौ हर लेवै । सो कथणी में मिठास राखौ अर राखौ उदारता । गुड नह दे तो गुड री सी बात तो कह । 4

- (ग) “आपां नै अठै जकी सुख-शांती दिखै है, जिको फूटरापौ दीखै है, चोखां — चोखा मन में मोवणियां चित्राम दीखै है, बै सगळां तो कोरां चिलकारां है । छिन नें अदीठ होवण-आळा है । हियै री आँखडल्यां सूं जोवौ थानै रिंदरोही — रिंदरोही दीखैली । इण सुख माय कोरो दुःख है । आणंद मांय पीड़ा है । आ पीड़ा कदैई कोनी मरै, अमर है अजर है । इण री आठ पौर चौसठ घड़ी री अनुभूति ईज माणसां नै बतावैली कै जीवण अकारथ है, बिरथां है ।”

### अथवा

माधै अर सूरजडी उण नै आंसुवां सूं भरी बिदा दी । सूरजडी री इंछया हुई कै बा इण देवतां रा पग चांपलै ! पण बा बापडी बसका भरती रैयी । ..... आंसूडां टळकावती रैयी । 4

2. 'सूरज री मौत' कहाणी समाज में फैल्योड़ी आरथिक असमानता नै उजागर करै । इण कथन री समीक्षा करो । 4
3. 'मिनख जमारौ' निबन्ध रै आधार पर मिनखाजूण री महता नै खुलासै करो । 4
4. "साहित्य जीवण नै उदात्त बणावै" लेखक रै इण विचार सूं आप कठै ताई सहमत हो ? समझावौ । 4
5. 'हूँ गोरी किण पीव री' सामाजिक समस्या प्रधान उपन्यास है । स्पष्ट करो । 4
6. आधुनिक राजस्थानी गद्य-विधावां माथै अेक परिचयात्मक आलेख प्रस्तुत करावौ । 6
7. नीचै लिख्यां विसयां मांय सूं किणी अेक विषय माथै राजस्थानी भासा में निबन्ध लिखो : 6
- (i) पर्यावरण संरक्षण अर जन चेतना
- (ii) म्हारी वाल्ही पोथी
- (iii) राजस्थान रां तीज-त्यौहार
- (iv) म्हारै सपना रौ भारत ।

8. नीचै लिख्या पद्यांसां री सप्रसंग व्याख्या करो :

(अ) उपजावै अनुराग, कोयल मन हरखित करै ।

कड़वो लागै काग, रसनां रां गुण राजिया ॥

मुख ऊपर मिठियास, घट मांही खोटा घड़ै ।

इसड़ा सूं इकळास, राखीजै मत राजिया ॥

5

### अथवा

जिण वन भूल न जावतां, गैंद गवय गिड़राज ।

तिण वन जंबुक ताखड़ा, ऊधम मंडै आज ॥

इला न देणी आपणी, हालरियां हुलराय ।

पूत सिखावै पालणै, मरण बढ़ाई माय ॥

(ब) इणमै गायौ हालरियौ, इणमें चंडी री चिरजावां ।

इणमें ऊजमणै गीत गाळ, गुण हरजस परभात्या गावां ।

अणमें ही आडी औखाणां, ओळगां भिणत वातां इणमें ।

जूनौ इतिहास जोवणौ व्है, तौ अणगिणती ख्याता इणमें ।

5

### अथवा

दुनियां गांठ घणी उळझावै,

तार प्रीत रां कुण सुळझावै ।

नैणां रो समदर दुळ जावै,

कदै न कोई पाळ बंधावै ।

कुण ने मारग पूछै पंथी, लूट लेवसी ठेलौ रै,

चालण हाला चाल अकलो, जग रो तो मन मेलौ रै ।

9. 'सीता राम चौपाई' रा अंस मुजब 'सीता-रावण' संवाद रौ सार विस्तार सूं लिखो । 5

10. 'बिरखा बीनंणी' कविता रौ भाव सौन्दर्य उजागर करावौ । 5

11. नारायण सिंह भाटी री काव्यकला री समीक्षा कलापक्ष अर भावपक्ष रै आधार माथै  
करावौ । 5
12. काव्य री परिभाषा अर उणरो प्रयोजन सिद्ध करावो । 5
13. कुण्डलियां छन्द रौ उदाहरण साथै परिचय दिरावो । 5
14. रूपक अलंकार री परिभाषा अर उदाहरण दिरावौ । 5

